

Bosna i Hercegovina
Federacija Bosna i Hercegovina
Zeničko- Dobojski Kanton
OPĆINA VAREŠ
JU Centar za kulturu i edukaciju Vareš

UPRAVNI ODBOR

Broj:02-03-53/23
Vareš, 27.03. 2023.godine.

Na osnovu člana 27. i 29. Zakona o ustanovama (Službeni list RFBiH, broj 6/92,8/94), člana 14. Pravila Javne ustanove Centar za kulturu i edukaciju Vareš i Odluke Upravnog odbora JU Centar za kulturu i edukaciju Vareš broj 02-03-52/23 od dana 27.3.2023.godine, Upravni odbor JU Centar za kulturu i edukaciju Vareš, raspisuje:

JAVNI KONKURS

Za izbor i imenovanje direktora JU Centar za kulturu i edukaciju Vareš

1. Oglašava se upražnjena pozicija direktora u JU Centar za kulturu i edukaciju (u daljem tekstu Centar).

Opis pozicije:

Direktor organizuje i rukovodi radom Centra, upravlja ljudskim resursima, zastupa i predstavlja Centar trećim licima i odgovara za zakonitost rada Centra. U ostvarivanju rukovođenja Ustanovom predlaže Upravnom odboru mjere za efikasno i zakonito obavljanje djelatnosti radi kojih je Centar osnovan, predlaže unutrašnju organizaciju i sistematizaciju poslova, kao i osnove planova rada i razvoja Centra, izvršava odluke Upravnog odbora, odlučuje o pravima, obavezama i odgovornostima radnika iz radnog odnosa, podnosi Upravnom odboru izvještaj o finansijskom poslovanju, odlučuje o izvršenju finansijskog plana Centra, stara se i odgovara za upotrebu pečata Centra, stručno, efikasno i blagovremeno vrši i druge poslove u skladu sa Zakonom, Pravilima i pravilnicima Centra.

Direktor Centra se imenuje na period od 4 godine u skladu sa Zakonom i po isteku mandata može biti ponovno imenovan.

2. Svi kandidati za upražnjenu poziciju treba da ispunjavaju sljedeće opće i posebne uslove:

Opći uslovi

- a) Da je državljanin Bosne i Hercegovine,
- b) Da je stariji od 18 godina,
- c) Da nije otpušten iz državne službe kao rezultat disciplinske mjere na bilo kojem nivou u BiH, u razdoblju od 3 (tri) godine prije dana objave konkursa,
- d) Da se na njega ne odnosi član IX. 1. Ustava Bosne i Hercegovine (da nije pod optužnicom Međunarodnog suda za ratne zločine u bivšoj Jugoslaviji) ,

- e) Da nije osuđivan za krivično djelo i privredni prestup nespojivo sa imenovanjem na dužnost u instituciji u kojoj se kandiduje, pet godina od dana pravosnažnosti presude, isključujući vrijeme zatvorske kazne,
- f) Da mu nije izrečena zaštitna mjera obavljanja aktivnosti, vršenja poziva, djelatnosti ili dužnosti tri (3) godine od dana pravosnažnosti odluke o izrečenoj zaštitnoj mjeri.
- g) Da nije osuđivan za krivično djelo
- h) Da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH;
- i) Da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u organima vlasti FBiH
- j) Da je zdravstveno sposoban za obavljanje dužnosti direktora Centra.

Napomena: Prije imenovanja na predviđenu poziciju, predloženi kandidat dužan je dostaviti Uvjerenje da nije osuđivan za krivično djelo i privredni prestup nespojivo sa imenovanjem na dužnost e), potvrda o nekažnjavanju g), kao i dokaz da je zdravstveno sposoban za obavljanje dužnosti direktora Centra (ljekarsko uvjerenje j)).

Posebni uslovi:

- a) VSS/VII stepen, odnosno visoko obrazovanje Bolonjskog sistema studiranja koje se vrednuje sa najmanje 180 ECTS bodova - društvenog ili humanističkog smjera
- b) Najmanje 3 (tri) godine radnog iskustva nakon sticanja VSS, odnosno završenog visokog obrazovanja
- c) Da ima najmanje 2 (dvije) godine radnog iskustva na rukovodećem radnom mjestu
- d) Da posjeduje stručne, radne, rukovodne i organizacijske sposobnosti
- e) komunikativnost
- f) da ponudi program rada i razvoja Centra za mandatni period

Prilikom procjene posebnih uslova, posebni uslovi navedeni pod tačkom d) ,e) i f) izrazit će se bodovima od jedan (1) do pet (5), a prema utvrđenim kriterijima bodovanja za imenovanje direktora JU Centar za kulturu i edukaciju Vareš.

Prijave kandidata treba da sadrže:

Uz lično potpisanu prijavu na konkurs, potrebno je dostaviti:

1. Kraća biografija, adresa, i kontakt telefon (potpisana) ;
2. Uvjerenje o državljanstvu, ne starije od 6 mjeseci;
3. CIPS potvrda prebivališta, ne starija od 3 mjeseca;
4. Rodni list;
5. Univerzitetska diploma stručne spreme;
6. Uvjerenje/potvrda o radnom iskustvu u skladu sa traženom stručnom spremom;
7. Uvjerenje/potvrda o radnom iskustvu na rukovodećim poslovima najmanje 2 godine;
8. Uvjerenje/potvrda da kandidatu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri izdato od nadležnog Općinskog suda prema mjestu prebivališta kandidata ;
9. Ovjerenu izjavu kandidata iz tačke 2. ovog oglasa-Opći uslovi, alineja c) , d), f), h) i i);

10. Plan i program rada Centra za naredne 4 godine.

Navedena dokumentacija koja se prilaže mora biti originalna, ili ovjerene kopije kod nadležnog organa, u suprotnom smatrat će se da je dokumentacija nepotpuna i neuredna. Dokumentacija predana za Javni konkurs za izbor i imenovanje direktora Centra, ostaje u arhivi Centra i neće se vraćati kandidatima.

Napomena: Svi kandidati koji budu stavljeni na listu za uži izbor, bit će pismeno obaviješteni o datumu, vremenu i mjestu obavljanja intervjua pred Konkursnom komisijom u roku od 15 (petnaest) dana od dana isteka roka za podnošenje prijave.

Kandidati sa kojima se u roku od 15 (petnaest) dana od dana isteka roka za podnošenje prijave ne stupi u kontakt, neće biti uzeti u razmatranje u daljem procesu imenovanja.

Konkursna komisija će sa kandidatima koji ispunjavaju formalne uslove konkursa i uđu u uži izbor obaviti intervju, bodovati prema utvrđenim kriterijima bodovanja, sačiniti listu uspješnih kandidata i istu dostaviti Upravnom odboru na odlučivanje.

Ako kandidat ne pristupi na intervju, smatra se da je odustao od učešća u Javnom konkursu, o čemu isti neće biti pismeno obaviješten.

O odluci o imenovanju direktora obavještavaju se sudionici u Javnom konkursu, najkasnije 8 (osam) dana od dana donošenja odluke.

Lični podaci o kandidatima su tajni i mogu se prikupljati i obrađivati samo u skladu sa Zakonom o zaštiti ličnih podataka BiH (Službeni glasnik BiH, broj 49/06).

Način i rok za podnošenje prijave:

Prijave se dostavljaju lično ili preporučenom pošiljkom u zatvorenoj koverti sa naznakom :

"Prijava za izbor i imenovanje direktora JU Centar za kulturu i edukaciju Vareš "

- NE OTVARATI -

na adresu:

JU Centar za kulturu i edukaciju Vareš
Organizaciona jedinica Radnički dom Vareš
Ul. Zvijezda 16
71330 Vareš

Javni konkurs će biti objavljen u "Službenim novinama Federacije BiH" i dnevnom listu "Oslobođenje", na službenoj stranici Općine Vareš, i na oglasnoj ploči Centra.

Konkurs ostaje otvoren 15 (petnaest) dana od dana posljednjeg javnog objavljivanja.

Nepotpune i neblagovremene prijave neće biti uzete u razmatranje.

**PREDSJEDNICA
UPRAVNOG ODBORA**

Amela Brkić